

ԷԿՈՆՈՄԻԿԱ

ԳԻՐԳԻ ԳԱԽԱՐԻԱ. «ՄԵՐ ԷԿՈՆՈՄԻԿԱՅՈՒՄ ԱՆՅՐԱԺԵՇՏ Է ՆՈՐ ԷՆԵՐԳԻԱ, ՈՐՊԵՍՋԻ ՎՐԱՑԱԿԱՆ ԲԻՋՆԵՍԸ ՀԶՈՐԱՆԱ»



Վրաստանի վարչապետ Գիորգի Գախարիան, իր խոստման համաձայն, շարունակում է երկրի բիզնես-հատվածի ներկայացուցիչների հետ իր հանդիպումները:

Հոկտեմբերի 10-ին վարչապետը նման հանդիպում ունեցավ Վրաստանի էկոնոմիկայի գլխավոր ճյուղերից մեկի՝ խաղողագործության եւ գինեգործության ոլորտի գործարարների հետ: Հանդիպմանը Գիորգի Գախարիան (Շարունակությունը՝ 2-րդ էջում)

ՎՐԱՍՏԱՆ - ԳԵՐՄԱՆԻԱ

ՖՐԱՆԿ-ՎԱՍՏԵՐ ՇՏԱՅՆՄԱՅԵՐ. «ՎՐԱՍՏԱՆԸ ՀՈՒՍԱԼԻ ԳՈՐԾԸՆԿԵՐ Է»

Հոկտեմբերի 7-8-ը պաշտոնական այցով Թբիլիսիում էր գտնվում Գերմանիայի Դաշնային Հանրապետության նախագահ Ֆրանկ-Վալտեր Շտայնմայերը տիկնոջ՝ Էլկե Բյուդենբերգերի հետ:

Գերմանիայի նախագահի դիմավորման պաշտոնական արարողությունը կայացավ Վրաստանի նախագահի՝ Աթոնելու հրապարակում գտնվող նստավայրում: Հյուրին ողջունեց Վրաստանի նախագահ Սալոմե Զուրաբիշվիլին:

Այցի շրջանակներում, Ֆրանկ-Վալտեր Շտայնմայերը հանդիպումներ ունեցավ Վրաստանի վարչապետ Գիորգի Գախարիայի, խորհրդարանի խոսնակ Արչիլ



Թալակվաձեի, Վրաստանի Կաթողիկոս-Պատրիարք Իլիա Երկրորդի հետ: Նա մասնակցեց նաև (Շարունակությունը՝ 2-րդ էջում)

«ԹԲԻԼԻՍՈՐԱ-2019»



40-ՐԴ ԱՆԳԱՄ ՎՐԱՍՏԱՆԻ ՄԱՅՐԱՔԱՂԱՔԸ ՆՇԵՑ ԻՐ ԱՎԱՆԴԱԿԱՆ ՏՈՆԸ

ՏՈՆԱԿԱՆ ՄԻՋՈՑԱՌՈՒՄՆԵՐԻՆ ՄԱՍՆԱԿՅՈՒՆ ԵՐԵՎԱՆԻ ԶԱՊԱՔԱՊԵՏ ՀԱՅԿ ՄԱՐՈՒԹՅԱՆԸ

Հոկտեմբերի 5-6-ը Վրաստանի մայրաքաղաքն արդեն 40-րդ անգամ նշեց իր ավանդական տոնը՝ «Թբիլիսորան»:

Երկու օրվա ընթացքում Վրաստանի մայրաքաղաքի զրեք բոլոր շրջանները վեր էին ածվել հանդիսությունների հրապարակների, որտեղ իրենց կատարումներով հանդես էին գալիս ինչպես ժողովրդական, այնպես էլ՝ էստրադային, պարային համույթները, գործում էին ցուցահանդեսներ: Եվ, իհար-

կե, «Թբիլիսորային» ուղեկցող բերքահավաքի տոնի առթիվ երկրի տարբեր երկրամասերից ժամանած ֆերմերները քաղաքի տարբեր շրջաններում բացված գյուղատնտեսական շուկաներում քիլիս-ցիներին առաջարկեցին իրենց արտադրանքը: (Շարունակությունը՝ 2-րդ էջում)

ԿԱԽԱ ԿԱԼԱՁԵՆ ԵՎ ՀԱՅԿ ՄԱՐՈՒԹՅԱՆԸ ՔՆՆԱՐԿԵՑԻՆ ՀԱՄԱԳՈՐԾԱԿՑՈՒԹՅԱՆԸ ՎԵՐԱԲԵՐՈՂ ՀԱՐՑԵՐ

Հոկտեմբերի 5-ին Թբիլիսիի քաղաքապետարանում քաղաքապետ Կախա Կալաձեն հանդիպում ունեցավ «Թբիլիսորա» տոնի առիթով Թբիլիսիում գտնվող Երեւանի քաղաքապետ Հայկ Մարությանի հետ:

Հայկ Մարությանն իր վրաց գործընկերոջը շնորհավորեց մայրաքաղաք Թբիլիսիի տոնի կապակցությամբ: Իր հերթին, Կախա Կալաձեն հայ գործընկերոջը շնորհակալություն հայտնեց տոնին մասնակցելու համար: Ապա երկու բարեկամ երկրների մայրաքաղաքների քաղաքապետերը քննարկեցին Թբիլիսիի եւ Երեւանի զարգացման հեռանկարներն ու երկկողմ հարաբե-

րությունների խորացման կոնկրետ օրագրեր:

Հայկ Մարությանը Կախա Կալաձեին հրավիրեց Երեւան՝ հոկտեմբերի 19-ին մասնակցելու Երեւունի-Երեւանի 2801-ամյակի տոնակատարություններին:



Ջրուցակիցները համոզմունք հայտնեցին, որ առաջիկա տարիներին երկու քույր քաղաքների հարաբերություններն էլ ավելի են զարգանալու բոլոր ուղղություններով:

ՎՐԱՍՏԱՆ - ՀԱՅԱՍՏԱՆ

ՀՈԿՏԵՄԲԵՐԻ 15-ԻՆ ԳԻՐԳԻ ԳԱԽԱՐԻԱՆ ԿՄԵԿՆԻ ՀԱՅԱՍՏԱՆ

Հայաստանի վարչապետ Նիկոլ Փաշինյանը Վրաստանի վարչապետ Գիորգի Գախարիային հոկտեմբերի 15-ին հրավիրել է Հայաստան:



Ինչպես նշեց Հայաստանի վարչապետ Նիկոլ Փաշինյանը, վարչապետը հրավիրել է իր վրացի



գործընկերոջը այցելել Հայաստան: Սա ավանդույթի շարունակությունն է, երբ վերջին նշանակված կամ ընտրված պաշտոնյան առաջինն է այց իրականացնում հարեւան երկիր: Ես կարող եմ գոհունակություն հայտնել, որ Գախարիան նշանակվելուց հետո շատ արագ կազմակերպեց իր նախաձեռնությունը՝ այցելել Հայաստան: Մենք ունենք շատ ծավալուն երկկողմ համագործակցության օրակարգ, նաեւ ունենք վերջերս ձեւավորված ավանդույթ վարչապետերի միջեւ սերտ համագործակցության: Սա փայլուն հնարավորություն է, որպեսզի տեղի ունենա ծանոթություն, եւ, ճանաչելով մեր վարչապետին, վստահ եմ, որ ամփոփապես այդ ծանոթությունը կվերածվի գործնական խոսակցության, որտեղ կքննարկվեն բոլոր երկկողմ հետաքրքրության հարցերը,- ասաց Վլադիմիր Կարապետյանը:

ԱՎԻԱՑԻՈՆ ՈԼՈՐՏՈՒՄ ՍՏՈՐԱԳՐՎԵՑ ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

Վրաստանի եւ Հայաստանի ավիացիոն իշխանությունների միջեւ կնքվել է համագործակցության հուշագիր:



Փաստաթուղթը ստորագրել են Վրաստանի էկոնոմիկայի եւ կայուն զարգացման նախարարության Քաղաքացիական ավիացիայի գործակալության տնօրեն Լեւան Կարանաձեն եւ Հայաստանի քաղաքացիական ավիացիայի կոմիտեի նախագահ Տաթևիկ Ռեւոյանը: Փաստաթուղթը ենթադրում է ավիացիոն իշխանությունների միջեւ Եվրամիության կանոնակարգերի ներդրում, ավիաչվերթերի կառավարում եւ վերահսկողության տեսանկյունից համագործակցություն, հայտնում փորձի փոխանակման պատրաստակամություն: Հիշեցնենք, որ նախորդ տարվա առաջին 8 ամսվա տվյալներով, Հայաստանի ավիացիոն իշխանությունների միջեւ կառավարում եւ ոչ կանոնավոր չվերթերով փոխադրված ուղևորների քանակը, 2017 թվականի 8 ամսվա համեմատ, ավելացել էր 99,8%-ով (7 928 ուղևոր՝ 2017 թվականի 8 ամսում, 15 837 ուղևոր՝ 2018 թվականի 8 ամսում), իսկ ընթացիկ տարվա 8 ամիսների տվյալներով, 2018 թվականի նույն ժամանակահատվածի հետ համեմատ, երկու երկրների միջեւ ուղևորահոսքն ավելացել է 160,9%-ով (41326 ուղևոր):

ՀԵՂԻՆԱԿԱՅԻՆ ԻՐԱՎՈՒՆՔԸ՝ ԵՐԿԿՈՐՍ ՊԱՇՏՊԱՆՈՒԹՅԱՆ ՆԵՐՔՈ

Ընթացիկ ամսվա սկզբին Թբիլիսիում կայացած հանդիպմանը, Հայաստանի հեղինակային իրավունքների եւ արվեստի տարբեր ոլորտների ներկայացուցիչները:

Նրանք ծանոթացան Gera եւ Rozum կազմակերպությունների հեղինակային իրավունքների պաշտպանության համար նախատեսված նոր սարքերին, որ Վրաստանում կիրառվում են արդեն 7 ամիս: Սարքը հավաքում է ստեղծագործությունների բազա, որտեղ նշվում է՝ քանի անգամ է տվյալ գործն օգտագործվել, որ կազմակերպությունների կամ անձանց կողմից: Այսպիսով, հե-

ղինակները կարող են հանգիստ լինել. իրավունքների խախտման դեպքում, կատանան իրենց պատկանելիք գումարը: Այս մեթոդի կիրառմամբ, աշխատանքը հետաքրքրություն էր առաջացրել հայաստանյան գործընկերների մոտ: Նորարարական մեթոդը Հայաստանում ներկայացնելուց հետո, կքննարկվի նաեւ հետագա համագործակցությունը:

ՎՐԱՍՏԱՆ - ԳԵՐՄԱՆԻԱ

ՖՐԱՆԿ-ՎԱՍՏԵՐ ՀՏԱՅՆՄԱՅԵՐ. «ՎՐԱՍՏԱՆԸ ՀՈՒՍԱԼԻ ԳՈՐԾԸՆԿԵՐ Է»

(Սկիզբը՝ 1-ին էջում)

Եւ Վրաստանի գործարարների հետ կազմակերպված միջոցառմանը, այցելեց Կախեթի տարածաշրջան:

Դիմավորման պաշտոնական արարողության ավարտից հետո, կայացավ Վրաստանի եւ Գերմանիայի նախագահների առանձնագրույցը, որին հաջորդեց երկու երկրների պաշտոնական պատվիրակությունների հանդիպումը: Պատվիրակությունների լիակազմ հանդիպման ավարտից հետո, Սալոմե Ջուրաբիշվիլին եւ Ֆրանկ-Վալտեր Շտայնմայերը հանդես եկան համատեղ մամուլի ասուլիսում, պատաս-

խանեցին լրագրողների հարցերին:

Նույն օրը կայացավ Վրաստանի վարչապետ Գիորգի Գախարիայի եւ Գերմանիայի նախագահ Ֆրանկ-Վալտեր Շտայնմայերի հանդիպումը: Հանդիպմանը Վրաստանի վարչապետը նշեց, որ Գերմանիայի աջակցությունը Վրաստանի եվրոպական եւ եվրատլանտյան ինտեգրման գործընթացին շատ կարելու է, եւ Գերմանիայի նախագահի ներկայիս պաշտոնական այցը հաստատում է, որ Գերմանիան Վրաստանը համարում է հուսալի գործընկեր:

Կողմերը քննարկեցին Վրաստանի բռնազավթված տարածքներում ստեղծված իրավիճակը: Գերմանիայի նախա-

գահ Ֆրանկ-Վալտեր Շտայնմայերը ողջունեց Վրաստանի եւ Ռուսաստանի միջեւ արտաքին գործերի նախարարների մակարդակով շփումների վերականգնման փաստը՝ նշելով, որ, Վրաստան կատարած այցի շրջանակներում, ծրագրում է այցելել նաեւ շփման գիծ, տեղում ծանոթանալ առկա իրավիճակին:

Շտայնմայերն անդրադարձավ նաեւ ՆԱՏՕ-ին անդամակցելու Վրաստանի ձգտումներին՝ ընդգծելով, որ Գերմանիան աջակցում է դաշինքին անդամագրվելու Վրաստանի որոշմանը:

Այցի շրջանակներում, Գերմանիայի նախագահ Ֆրանկ Վալտեր Շտայնմայերը այցելեց բռնազավթված գոտի:

ՎՐԱՍՏԱՆ - ԱՂԲԵՋԱՆ

ԴԱՎԻԹ ԳԱՐԵՋԻԻ ՀԱՄԱԼԻՐԸ ԿԲԱՑՎԻ ՎՐԱՑ ՀՈԳԵՎՈՐԱԿԱՆՆԵՐԻ ՀԱՄԱՐ

ՎՐԱՍՏԱՆԻ ՎԱՐՉԱՊԵՏԻ ԴԱՇՆՈՆԱԿԱՆ ԱՅՈՒ ԲԱՔՈՒ



Վարչապետի պաշտոնում առաջին այցը Աղբեջան պատահական չէ, քանի որ վստահեմք, որ այս այցով մենք մեզ բարին կամեցողներին ու թշնամիներին պետք է ապացուցենք, որ գոյություն չունեն Աղբեջանի եւ Վրաստանի միջեւ անհաղթահարելի խնդիրներ,- Իլհամ Ալիևի հետ հանդիպմանը հայտարարեց Գիորգի Գախարիան:

Հանդիպմանն անդրադարձ կատարվեց երկու երկրների միջեւ ռազմավարական գործընկերության առանցքային ոլորտներին, երկկողմ համագործակցության օրակարգի կարելու հիմնախնդիրներին, ինչպես նաեւ Վրաստանի ու Աղբեջանի համատեղ նախագծերի աշխատանքներին:

Որպես այցի դրական արդյունք՝ Գիորգի Գախարիան նշեց, որ այսուհետ վրաց հոգեւորականների համար կբաց-

Հոկտեմբերի 9-ին Վրաստանի վարչապետ Գիորգի Գախարիան, մեկօրյա պաշտոնական այցով, գտնվում էր Աղբեջանում: Այցի շրջանակներում, վարչապետը հանդիպումներ ունեցավ Աղբեջանի նախագահ Իլհամ Ալիևի, երկրի միլի մեջլիսի նախագահ Օգտայ Ասադովի եւ նորանշանակ վարչապետ Ալի Ասադովի հետ:

վեն Դավիթ Գարեջիի վանական համալիրի դռները, թեպետ նա խուսափեց ճշգրտել, թե կկարողանա՞ն արդյոք ուխտագնացներն ու զբոսաշրջիկները այցելել Ուդաբնդի եւ Չիչխիտուրիի եկեղեցիներ:

Հիշեցնենք, որ հոկտեմբերի 7-ին Աղբեջանական լրատվամիջոցները հաղորդագրություն էին տարածել, որ Աղբեջանը Դավիթ Գարեջիի տարածքում մոր սահմանային կետ է բացել, ինչն էլ վրացական կողմի բողոքի պատճառ էր դարձել:

Այս կապակցությամբ Համայն Վրաստանի Կաթողիկոս-Պատրիարք Իլիա Երկրորդը վարչապետ Գիորգի Գախարիային նամակ էր գրել՝ նշելով.

«Մեզ համար լիովին անընդունելի են Աղբեջանական կողմի այս գործողությունները, որոնց հետեւանքով 2019 թվականից զբոսաշրջիկների եւ հոգեւորականների ուխտագնացությունը Ուդաբնդի եւ Չիչխիտուրիի վանքեր սահմանափակվել է»:

ԷԿՈՆՈՄԻԿԱ

ԳԻՈՐԳԻ ԳԱԽԱՐԻԱ. «ՄԵՐ ԷԿՈՆՈՄԻԿԱՅՈՒՄ ԱՆՀՐԱԺԵՇՏ Է ՆՈՐ ԷՆԵՐԳԻԱ, ՈՐՊԵՍՁԻ ՎՐԱՑԱԿԱՆ ԲԻՋՆԵՍԸ ՀԶՈՐԱՆԱ»

(Սկիզբը՝ 1-ին էջում)

հայտարարեց, որ երկրի էկոնոմիկայում անհրաժեշտ է մոր էներգիա, որպեսզի վրացական բիզնեսը դառնա ավելի հզոր ու մրցունակ: Նրա գնահատմամբ, գլխավոր ուշադրությունը պետք է հատկացնել այն ուղղություններին, որոնք առաջատար են ճյուղում: Մասնավորապես, վարչապետը խոսեց գյուղատնտեսության

ուլորտի զարգացման գործընթացում խաղողագործության եւ զինագործության դերի մասին:

- Այդ կապակցությամբ մեզ համար մեծապես կարելու է, որ աստիճանաբար կարգավորվեն առկա հիմնախնդիրներն ու թերացումները,- նշեց վարչապետը:

Գիորգի Գախարիան մասնավորապես կանգ առավ արտադրանքի որակի բարելավման անհրաժեշտության հարցին:

- Ժամանակն է, որպեսզի մենք լուրջ քայլեր ձեռնարկենք արտադրանքի, մասնավորապես՝ վրացական գինու որակի բարելավման ուղղությամբ: Որակի բարելավման հարցում չկարգավորված հիմնախնդիրներ չպետք է լինեն,- ընդգծել է վարչապետը:

Երեկ՝ հոկտեմբերի 11-ին, Գիորգի Գախարիան հանդիպում ունեցավ երկրի շինարարական հատվածի գործարարների հետ:

«ԹԲԻԼԻՍՈՐԱ-2019»

40-ՐԴ ԱՆԳԱՍ ՎՐԱՍՏԱՆԻ ՄԱՅՐԱՔԱՂԱՔԸ ՆՇԵՅ ԻՐ ԱՎԱՆԴԱԿԱՆ ՏՈՒՆԸ

(Սկիզբը՝ 1-ին էջում)


Միջոցառման շրջանակներում, անցկացվեց նաեւ Թբիլիսիի պատվավոր քաղաքացիների պարգևատրման արարողությունը: Այս տարի «Թբիլիսիի պատվավոր քաղաքացու» կոչումը շնորհվեց «Թբիլիսերվիս խմբի» աշխատակիցներ, բակապահ, թբիլիսցի 81-ամյա Գյոզալ Դունուելային, էլեկտրավարպետ, 83-ամյա Գիվի Մամուլաշվիլուն, Թբիլիսիի մետրոյի ավագ վարպետ, 77-ամյա Ավրանդիլ Կոբախիձեին, Թբիլիսիի տրանսպորտային ընկերության վարորդ, 74-ամյա Վալերիան Մեթափիշվիլուն, գրադարանավար, 79-ամյա Ռոզենտա Կունավալին, Թբիլիսիի թիվ 27 մանկապարտեզի երաժշտության ուսուցչուհի, 79-ամյա Մայա Մեգրեիշվիլուն, Թբիլիսիի նախկին քաղաքապետ Նիկոլոզ Լեկիշվիլուն: «Թբիլիսոբայի» հանդիսությունների



գլխավոր հրապարակներում Ռիդելի գբոսայգում, Լեդվախեիում, Մետեխի կամրջի տարածքում, եվրոպայի եւ Օրբելիանու հրապարակներում միջոցառման իրենց մասնակցությունը բերեցին Վրաստանի վարչապետ Գիորգի Գախարիան, Թբի-

լիսի քաղաքապետ Կախա Կալաձեն, երկրի եւ մայրաքաղաքի գործադիր եւ օրենսդիր մարմինների ներկայացուցիչներ: Միջոցառմանը հյուրի կարգավիճակով մասնակցեցին Երեւանի քաղաքապետ Հայկ Մարությանը, Բիշքեքի քաղաքապետ Ազիզ Սուրանյանին, ինչպես նաեւ Խարկովի քաղաքապետարանի պատվիրակությունը:

ՅՈՒՐԻ ԽՈՐԵՆՅԱՆ



ՍԻՐԻԱ

ԹՈՒՐԷԱՅԻ ՈԱԶՄԱԿԱՆ ԳՈՐԾՈՂՈՒԹՅՈՒՆՆԵՐԸ՝ ՄԻՋԱԶԳԱՅԻՆ ԲՈՂՈՔԻ ՖՈՆԻՆ

Թուրքիան Սիրիայի հյուսիս-արեւելքում սկսել է ռազմական գործողություններ, որի նպատակն անվտանգության գոտու ստեղծումն է: Նշենք, որ ԱՄՆ-ը մտադիր էր այդ վայրերից դուրս բերել իր զինծառայողներին:

Թուրքիայի կողմից ձեռնարկած գործողություններին ի պատասխան ԱՄՆ-ի նախագահ Դոնալդ Թրամփը հայտարարել է, որ կոչնչացնի Թուրքիայի էկոնոմիկան, եթե Անկարան ոչնչացնի սիրիացի քրդերին, եւ որ ԱՄՆ-ը դուրս է գալիս չվերջացող պատերազմներից:

ԱՄԿ-ի Անվտանգության խորհրդի հինգ եվրոպական երկիր Թուրքիայից պահանջել է կանգնեցնել գործողությունը Սիրիայի հյուսիս-արեւելքում, քանի որ այն չի լուծի այդ երկրի անվտանգության խնդիրները:

ՈՒԿՐԱԻՆԱ

ՆՈՐ ՄԱՅՐԱՆԻ ՄՊԱՌՆԱԼԻՔ

Ուկրաինայի նախագահ Պյոտր Չեւենսկին իր նախորդին՝ Պյոտր Պորոշենկոյին, մեղադրել է մոր Մայդան գլխավորելու փորձի մեջ:

- Պորոշենկոյի սխալն այն է, որ նա մտածում է, թե պատրաստ է մեկ այլ Մայդանի առաջնորդ դառնալ,- ասել է Չեւենսկին: Ուկրաինայի նախագահը հայտարարել է, որ չի վախենում մոր Մայդանից:

- Ես կհեռանամ ցանկացած պահի, եթե հասարակությունը չցանկանա, որ ես նախագահ լինեմ, արյունահեղություն չի լինի: Բայց մարդիկ այդ ժամանակ հաստատ չեն ընտրի պատերազմի դադարեցումն այն մենյուից, որը կա ծախու քաղաքական շուկայում,- հայտարարել է Վադիմիր Չեւենսկին:

ՄԵԾ ԲՐԻՏԱՆԻԱ

ԵՎՐԱՄԻՈՒԹՅՈՒՆԻՑ ԴՈՒՐՍ ԿԳԱ ՀՈԿՏԵՄԲԵՐԻ 31-ԻՆ

Մեծ Բրիտանիայի վարչապետ Բորիս Ջոնսոնը մտադիր է Գերագույն դատարանի դիմել եւ փորձել մինչեւ հոկտեմբերի 31-ը երկիրը եվրամիության կազմից դուրս բերել՝ Բրյուսելի հետ գործարքով կամ առանց դրա, եւ երկրի վարչապետը եվրամիությանը Բրեքսիթի հետաձգման խնդրանքով չի դիմի: Նա պատրաստ է հասնել մինչեւ բարձրագույն վճռաբեկ դատական ատյան, որպեսզի ազատվի մինչեւ 2020 թվականի հունվարի 31-ը Brexit-ի եռամսյա հետաձգման խնդրանքով Բրյուսելին նամակ գրելու անհրաժեշտությունից: Մինչդեռ չկան երաշխիքներ, որ Գերագույն դատարանը Ջոնսոնի կողմը կբռնի, հատկապես հաշվի առնելով այն, որ վերջերս դատական այդ ատյանը անօրինական է ճանաչել խորհրդարանի աշխատանքը հինգ շաբաթով կասեցնելու վարչապետի որոշումը:

ԳԵՐՄԱՆԻԱ

ՀՐԱԶԳՈՒԹՅՈՒՆ՝ ՄԱՐԴԿԱՅԻՆ ՁՈՂԵՐՈՎ

Հոկտեմբերի 9-ին Գերմանիայի Հալե քաղաքում, Սինագոգի մերձակայքում տեղի ունեցած հրաձգության հետեւանքով, զոհվել է առնվազն երկու մարդ, տուժել՝ եւս մի քանիսը:

Հալեի ոստիկանության տեղեկությամբ, հարձակվողները ավտոմեքենայով թաքնվել են դեպքի վայրից: Նրանք հետախուզման մեջ են:

Հարձակման պատճառը դեռեւս հայտնի չէ:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՎՐԱՍՏԱՆ - ՈՒՄԱՍՏԱՆ

ԱՆՑԿԱՑՎԵՑ ԺՆԵՎՅԱՆ ԲԱՆԱԿՑՈՒԹՅՈՒՆՆԵՐԻ ՀԵՐԹԱԿԱՆ ՓՈԽԸ

Հոկտեմբերի 9-ին ժնեւում անցկացվեց միջազգային բանակցությունների հերթական փուլը:

Վրաստանի արտաքին գործերի նախարարության տեղեկատվությամբ, ժնեւի միջազգային բանակցությունների 49-րդ փուլին խոսքը վերաբերել է հունիս-սեպտեմբեր ամիսներին, Աբխազիայի շրջանում օկուպացված տարածքում տեղաշարժման արհեստական պատմեղների առնչվող սահմանումների:

Ինչպես նշված է գերատեսչության տարածած հայտարարության մեջ, հա-


մանախազահներն ու ԱՄՆ-ի եւ Վրաստանի ներկայացուցիչները՝ Մոսկվայից, Սոխումից ու Ցխինվալիից ժամանած մասնակիցներին կոչ են արել՝ բացել «անցակետերը» եւ չխոչընդոտել տեղի բնակչության ազատ տեղաշարժը:

«Քննարկման թեմաներից մեկը Գալիի եւ Ախալգորիի շրջանների բնակիչների նկատմամբ ազգային հողի վրա խտրական վերաբերմունքն ու ճնշումն է: Սուր

կերպով բարձրացվել են ազգային ինքնության փոփոխման առնչությամբ այնտեղ բնակվող վրացիներին ճնշելու, ինչպես նաեւ մայրենի լեզվով կրթության արգելքի ծանր հետեւանքների հարցերը»,- նշված է Վրաստանի արտաքին գործերի նախարարության հաղորդագրության մեջ:

Բանակցությունների հաջորդ փուլն անցկացվելու է 2019թ. դեկտեմբերի 10-11-ին:

Հիշեցնենք, որ ժնեւի միջազգային բանակցություններն ստեղծվել են 2008 թվականի օգոստոսի 12-ի հրադարարի մասին պայմանագրի հիման վրա:



ՄԵԴԻԱ-ԽՈՐՀՐԴԱԺՈՂՈՎ ԹԲԻԼԻՍԻՈՒՄ

Հոկտեմբերի 9-ին Թբիլիսիում աշխատանքն սկսեց ԵԱՀԿ-ի մեդիա-խորհրդաժողովը, որին մասնակցում են Վրաստանի, Հայաստանի, Ադրբեջանի, Ղազախստանի, Ռուսաստանի եւ Թուրքիայի ներկայացուցիչները: Միջոցառման գլխավոր նպատակը տարածաշրջանում մամուլի ազատության հզորացումն է:

ԵԱՀԿ-ի կողմից կազմակերպված Կովկասի 16-րդ մեդիա-խորհրդաժողովին մասնակցում են մամուլի ոլորտի, կառավարության, քաղաքացիական հասարակության ներկայացուցիչներ եւ միջազգային փորձագետներ:

Խորհրդաժողովը բացեցին մամուլի ազատության հարցերով ԵԱՀԿ-ի ներկայացուցիչ Հանլեն Դեզիրը եւ Վրաստանի խորհրդարանի նախագահի առաջին տեղակալ Թամար Չուգոշվիլին:

Երկօրյա խորհրդաժողովի շրջանակներում քննարկման գլխավոր թեմաներն են. նորությունների ստեղծումն ու տարածումը թվային տեխնոլոգիաների պայմաններում, լրագրողների անվտանգությունը քաղաքական փոփոխությունների շրջանում եւ տարածաշրջանում ընթացող գործընթացները:

ՅՈՒՆԵՍԿՕ



ԹԲԻԼԻՍԻՆ՝ 2021 ԹՎԱԿԱՆԻ ԳՐԺԻ ՀԱՄԱՇԽԱՐՀԱՅԻՆ ՄԱՅՐԱՔԱՂԱՔ

ՅՈՒՆԵՍԿՕ-ի գլխավոր տնօրեն Օդրի Ագուլայը Թբիլիսին անվանել է 2021 թվականի Գրքի համաշխարհային մայրաքաղաք: Համապատասխան որոշումը նա կայացրել է խորհրդատվական կոմիտեի համեմարարականի հիման վրա: Կոմիտեի նիստն անցկացվել է Շվեյցարիայում, 2019 թվականի հունիսին: Ծրագրի կարգախոսն է՝ «Եվ քո հաջորդ գիրքն է...»:

Հոկտեմբերի 8-ին Թբիլիսիում անցկացվեց 2021 թվականը Վրաստանի մայրաքաղաքը Գրքի համաշխարհային մայրաքաղաք հռչակելու թեմային առնչվող ճեպասուլիս, որին մասնակցեցին եւ խոսքով հանդես եկան Թբիլիսիի քաղաքապետ Կախա Կալաձեն, Վրաստանի արտաքին գործերի նախարար Դավիթ Ջալկալիանին, կրթության, գիտության, մշակույթի եւ սպորտի նախարար Միխեիլ Բատիաշվիլին:

Ըստ Կախա Կալաձեի, սա կարեւորագույն իրադարձություն է մեծ պատմություն եւ հնագույն գիր ունեցող վրաց ազգի համար:

Ծրագիրն ուղղված է երիտասարդների շրջանում ընթերցանության ժողովրդականացման համար արդի տեխնոլոգիաների կիրառմանը: Ինչպես նշված է ՅՈՒՆԵՍԿՕ-ի պաշտոնական

կայք-էջում, ծրագիրը ներառում է մի քանի կարեւոր լայնածավալ ակտիվություն:

Միջոցառման գլխավոր նպատակն ընթերցանության ժողովրդականացումն ու սոցիալական բոլոր խավերի համար գրքի մատչելիության ապահովումն է:

Գրքի համաշխարհային մայրաքաղաքի շրջանակներում, միջոցառումները գրքի եւ հեղինակային իրավունքների համաշխարհային օրվա եւ վերածելու 2021 թվականի ապրիլի 23-ը: Քաղաքները, որոնք ՅՈՒՆԵՍԿՕ-ի կողմից անվանվում են Գրքի համաշխարհային մայրաքաղաք, պարտավորվում են ողջ տարվա ընթացքում կազմակերպել գրքի ընթերցանության ժողովրդականացմանն ուղղված միջոցառումներ:

ՄԻՍՈՆ ԿԻԼԱՉԵ



ԾԱՌԱՅՈՒՄՆԵՐԻ ՆԱԶՆԱԵՄՈՐԸ

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ԵԿԱՄՈՒՏՆԵՐԻ ԾԱՌԱՅՈՒԹՅԱՆ ԾԱՌԱՅՈՂԱԿԱՆ «ՆԵԼԱ» ՇՈՒՆԸ՝ ՄՐՑՈՒՅԹԻ ՄՐՑԱՆԱԿԱԿԻՐ

Սեպտեմբերի 25-26-ը Վաղուկ Լյու Վոդա քաղաքում անցկացվեց ծխախոտի ապօրինի շրջանառության դեմ պայքարի թեմայով Մոլդովայի մաքսային վարչակազմի կողմից կազմակերպված եւ աջակցված միջազգային խորհրդաժողովը:



Խորհրդաժողովի շրջանակներում մասնակից երկրների (Ռումինիա, Ուկրաինա, Ադրբեջան, Վրաստան, Ֆրանսիա, Թուրքիա, Բուլղարիա, Մեծ Բրիտանիա, Բելառուս, Լիտվա, ԱՄՆ, Ավստրիա, Լատվիա, Գերմանիա, Էստոնիա, Լեհաստան) մաքսային վարչությունների կինոլոգիական թիմերի միջեւ անցկացվեց ծխախոտի եւ ծխախոտեղենի փնտրման, հայտնաբերման համար վարժեցրած ծառայողական շների մրցույթ:

Վերոնշյալ մրցման հաղթող դարձավ Լեհաստանի մաքսային վարչության կինոլոգիական թիմը: Երկրորդ տեղը զբա-

ղեցրեց Մոլդովայի մաքսային վարչության կինոլոգիական թիմը, իսկ երրորդը՝ Վրաստանի եկամուտների ծառայության մաքսային դեպարտամենտի կինոլոգ-տեսուչ Ռոման Նիկուրաձեն եւ նրա ծառայական շունը՝ «Նելան»:

Երկու տարեկան «Նելան» կինոլոգ սպայի բարեկամն է: Ռոման Նիկուրաձեն շան հետ աշխատել է ընդամենը չորս ամիս: Այդ կարճ ժամանակահատվածում «Նելան» լավ արդյունքների է հասել, ամենօրյա մի քանի ժամ մարզումները նպաստել են հատուկ ունակությունների զարգացմանը:

ՀԱՅՏՆԱԲԵՐՎԵԼ Է ԶՀԱՅՏԱԳՐՎԱԾ ՈՍԿԵՂԵՆ

«Սադախլու ավտոմոբիլային» մաքսային անցակետում Վրաստանի ֆինանսների նախարարության եկամուտների ծառայության մաքսային աշխատակիցները կասկածի հիման վրա խուզարկել են Վրաստանի քաղաքացի Վ.Ս.-ին: Խուզարկության արդյունք-

քում, հայտնաբերվել է 7319 լարի ընդհանուր արժողության չհայտագրված ոսկեղեն (83,5 գրամ):

Վրաստանի մաքսային օրենսգրքի համաձայն, որպես պատիժ՝ խախտում թույլ տված քաղաքացին տուգանվել է 7319 լարիով:

ՎՐԱՍՏԱՆԻ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ



ՄԱԳԹԻ ԱՌԱՋԱՐԿՈՒԹՅՈՒՆԸ ՏԱՐԱԾԱԾԵՐՋԱՆՆԵՐԻՆ

ՀԱՄԱՑԱՆՑ, ՀԵՌՈՒՍԱՏԵՍՈՒԹՅՈՒՆ ԵՎ ԱՌԱՆՑ ԼԻՄԻՏԻ ԽՈՍԱԿՑՈՒԹՅՈՒՆ ԲՋՋԱՅԻՆՈՎ, ԱՄՍԱԿԱՆ՝ 34 ԼԱՐԻՈՎ



Օպտիկական – մանրաթելային համացանց 20 մգ/վրկ փաթեթ



IP հեռուստատեսություն Վերափաթեթավորման գործառնություն – 105 ալիք



Բջջային հեռախոս Մերվիս «Մերոնք», առանց լիմիտի խոսակցություն Մագրիկոմի բջջային ցանցով ընտանիքի 4 անդամների միջև



Նվեր

- WiFi սարք տանը՝ համացանցի ազդանշանի տարածման համար
- Հեռուստատեսության 1 լրացուցիչ փաթեթ

Ծրագրերի մուտքագրումը՝ անվճար

Առաջարկությունը ուժի մեջ է միացումից հետո 2 տարվա ընթացքում



Կապվեք՝ 11 00 11 - բջջային ցանցով, 032 217 00 00 – ցանկացած ցանցով

www.magticom.ge

Մագրիկոմի ցանցով հեռախոսազանգը անվճար է:

ԿՐԹԱԿԱՆ

ՀՈԿՏԵՄԲԵՐԻ 1-ԻՅ ԲԱՐՁՐԱՅՎԵԼ Է ՌԻՍՈՒՅԻՉՆԵՐԻ ԱՇԽԱՏԱՎԱՐՁԸ

«Վրաստան» թերթի սեպտեմբերի 28-ի համարում լրատվություն էր հրապարակվել ուսուցիչների աշխատավարձի ավելացման վերաբերյալ, որի մեջ առկա էր վրիպում՝ սխալ տեղեկատվություն այն մասին, թե ուսմասվարների աշխատավարձի հավելավճարը կկազմի 470 լարի: Իրականում, տվյալ հավելումն առնչվում է միայն ավագ ուսուցիչներին եւ ոչ ուսմասվարներին: Հայցում ենք ընթերցողի ներողամտությունը եւ ստորեւ ներկայացնում հոկտեմբերի 1-ից ուսուցիչների աշխատավարձի ավելացմանը վերաբերյալ ճշգրիտ տեղեկատվություն:

Վրաստանի կրթության եւ գիտության նախարարությունը սահմանել է դպրոցի ուսուցիչների աշխատավարձի նվազագույն գումարը: Հրամանում գրանցված փոփոխությունները կգործեն հոկտեմբերի 1-ից:

Ուսուցչի մասնագիտական եւ կարիերայի առաջխաղացման համար, բարձրացվում է կրթության ոլորտի աշխատակիցների աշխատավարձերը: Ըստ այդմ, ավագ ուսուցիչների աշխատավարձի հավելումը կկազմի 470 լարի, առաջատար ուսուցիչներինը՝ 850 լարի, իսկ մենթորի կարգավիճակ ունեցող ու-

սուցիչներինը՝ 1150 լարի:

Նույն հրամանով կկարգավորվի նաեւ լրիվ դրույթից ավելի դասաժամ ունեցող ուսուցիչների շաբաթական դասավանդած դասաժամերի լրացուցիչ հավելման կանոնը. պաշտոնապես լրիվ դրույթով ուսուցչի աշխատավարձը կկազմի 18 դասաժամ: Իսկ այն ուսուցիչները, ովքեր շաբաթական 19-25 դասաժամ կդասավանդեն, յուրաքանչյուր դասաժամի համար կստանան հավելավճար:

Այն ուսուցիչները, ովքեր դասավանդում են Վրաստանի պատ-

մություն, աշխարհագրություն, ոչ վրացալեզու դպրոցներում՝ վրաց լեզու եւ գրականություն (որպես օտար լեզու), հավելավճարի տեսքով կստանան 141,75 լարի: Նույնչափ հավելավճար կստանան նաեւ դասղեկները:

Աշխատավարձային եւ այլ հավելումների հետ միասին, հոկտեմբերի 1-ից ավագ ուսուցչի աշխատավարձը կլինի 1 011 լարի, առաջատար ուսուցիչներինը՝ 1435 լարի, իսկ մենթոր ուսուցիչները կստանան 1745 լարի:

Ուսուցիչներից բացի, կավելանա նաեւ դպրոցի տնօրենների եւ վարչության ներկայացուցիչների աշխատավարձերը՝ միջին հաշվով 20%-ով: Դպրոցներում անվտանգության համար պատասխանատու անձանց աշխատավարձի հավելավճարը կկազմի 125 լարի, իսկ մանդատուների վարձատրումը կավելանա 250 լարիով:

ՍԿՍՎԵԼ Է ԿԵՆՍԱԹՈՇԱԿԱՌՈՒ ՌԻՍՈՒՅԻՉՆԵՐԻ ԴԱՐԳԵՎԱՎՃԱՐՆԵՐԻ ՀԱՆՁՆՄԱՆ ԳՈՐԾԵՆՈՒՄԸ

Ընթացիկ տարվա հոկտեմբերի 1-ից սկսվել է նաեւ դպրոցում աշխատանքը թողնելու սեփական ցանկություն հայտնած կենսաթոշակառու ուսուցիչների երկամյա աշխատավարձի չափով պարգևավճարումների հանձնման գործընթացը: Գումարն աստիճանաբար փոխանցվում է նախկին ուսուցիչների հաշվեհամարներին:

Վրաստանի կրթության, գիտության, մշակույթի եւ սպորտի նախարարության բարեփոխման շրջանակներում, կենսաթոշակային տարիքի այն ուսուցիչները, ովքեր չեն ցանկանում քննություն հանձնել իրենց կարգավիճակը բարելավելու համար, կարող են ինքնակամ հեռանալ եւ միանվագ ստանալ դրամական վարձատրություն՝ երկու տարվա աշխատավարձի չափով:

Թոշակառու ուսուցիչները ողջ կյանքի ընթացքում պահպանում են առողջության ապահովագրությունը (համաձայն պետական դպրոցների ուսուցիչների առողջապահական համընդհանուր փաթեթի):

ՄԵԿՆԱՐԿԵՑ «1+4» ՆԱԽԱԳԾԻ ՌԻՍԱՆՈՂՆԵՐԻ ՄՏԱԺԱՎՈՐՄԱՆ ԾՐԱԳԻՐԸ

Ինչպես արդեն հաղորդել ենք, Վրաստանում շուրջ մեկ տասնամյակ արդեն գործում է «1+4» նախագիծը, որը կոչված է առավելագույնս նպաստել ազգային փոքրամասնության ներկայացուցիչ երիտասարդների՝ երկրի տնտեսական, սոցիալական, քաղաքական կյանքում ինտեգրման գործընթացին:

Նախագիծը, որը նախատեսում է ազգային փոքրամասնության ներկայացուցիչ երիտասարդների պետական լեզվի՝ վրացերենի մեկամյա ինտենսիվ ուսուցում, ապա՝ երկրի ցանկացած բուհում ուսումը շարունակելու հնարավորություն, ներառում է նաեւ ուսանողների համար տեսական գիտելիքները գործնականում կիրառելու գործունե: Ստաժավորման ծրագիրը, որն արդեն երրորդ տարին է, ինչ անցկացվում է, նախածեռնել էր Հաշտեցման եւ քաղաքացիական իրավահավասարության հարցերով նախարար Քեթեան Ցիխելաշվիլին: Ծրագրի գլխավոր խնդիրը Վրաստանում ապրող ազգային փոքրամասնություններին աշխատանքի տեղավորման բարելավման եւ քաղաքացիական ինտեգրացիայի գործընթացի նպաստումն է:

Ընթացիկ տարում մեկնարկած «1+4» ծրագրով ուսանողները կարող են ստաժավորում անցնել հետևյալ հաստատություններում.

Վրաստանի հաշտեցման եւ քաղաքացիական իրավահավասարության Վրաստանի պետական նախարարի գրասենյակ՝ 1 տեղ, ստաժավորման ժամկետը՝ 3 ամիս:

Վրաստանի կրթության, գիտության, մշակույթի եւ սպորտի նախարարության տարբեր վարչություններում՝

98 տեղ, ստաժավորման ժամկետը՝ 1-6 ամիս:

Վրաստանի էկոնոմիկայի եւ կայուն զարգացման նախարարություն՝ 14 տեղ, 2-4 ամիս, տարբեր վարչություններում:

Վրաստանի բնապահպանության եւ գյուղատնտեսության նախարարության տարբեր վարչություններում՝ 79 տեղ, 1-6 ամիս:

Վրաստանի ֆինանսների նախարարություն՝ 29 տեղ, 1-3 ամիս:

Վրաստանի տարածաշրջանային զարգացման եւ ենթակառուցների նախարարության վարչություններում՝ 7 տեղ, 1 ամիս:

Վրաստանի արդարադատության նախարարություն՝ 26 տեղ, 3-6 ամիս, տարբեր բաժիններում:

Վրաստանի նախագահի աշխատակազմ՝ 7 տեղ, 1-6 ամիս:

Թբիլիսիի քաղաքային սակրեբուլո՝ 6 տեղ, 3 ամիս: Թբիլիսիի քաղաքապետարան՝ 7 տեղ, 1-6 ամիս:

Քվեմո Քարթլիի երկրամասային վարչության տարբեր մունիցիպալիտետներում՝ 75 տեղ, 3 ամիս ժամկետով:

Սամցխե-Ջավախեթիի երկրամասային վարչության տարբեր մունիցիպալիտետներում՝ 56 տեղ, 3-6 ամիս



ժամկետով:

Շիրա-Քարթլիի երկրամասային վարչության տարբեր մունիցիպալիտետներում՝ 37 տեղ, 1-3 ամիս:

Կախեթիի երկրամասային վարչության տարբեր մունիցիպալիտետներում՝ 46 տեղ, 3 ամիս:

Աջարիայի Ինքնավար Հանրապետության կառավարության գրասենյակ՝ 1 տեղ, 3 ամիս:

Բաթումիի քաղաքապետարան՝ 21 տեղ, 3 ամիս:

Տեղեկատվական կենտրոն ՆԱՏՕ-ի եւ ԵՄ-ի վերաբերյալ՝ 2 տեղ, 3 ամիս:

Դավիթ Աղմաշենեբելու անվան Վրաստանի ազգային պաշտպանության ակադեմիա՝ 13 տեղ, 2-6 ամիս:

Վրաստանի հանրային պաշտպանի գրասենյակ՝ 5 տեղ, 3 ամիս:

Խորագիրը պատրաստեց ԱՐԵՎԻԿ ՄԱՆՈՒԿՅԱՆԸ

ԳԻԱ ՂԱՆՉԵԼՈՒ «ՀԱՅԿԱԿԱՆ ՀԵՏՔԵՐԸ»

ԱՆՅԱՍՏ ՇԱԲԱԹ ԹԲԻԼԻՍԻՈՒՄ ՀՈՒՂԱՐԿԱՎՈՐԵՅԻՆ ԳԻԱ ՂԱՆՉԵԼՈՒՆ



գրող եւ երաժշտագետ Նատալյա Ջեյֆասի «Գիա Ղանչելին երկխոսություններում» գրքից:

Հայաստանի եւ Վրաստանի հարաբերությունների պատմությունն ի սկզբանե խարսխված է երկու ժողովուրդների անկեղծ համակրանքի, փոխադարձ հարգանքի ու վստահության վրա: Հայ-վրաց հարաբերությունների ամրապնդման գործում հատկապես կարեւոր է մշակույթի գործիչների՝ գրողների, նկարիչների, դերասանների ու երաժիշտների խոսքն ու գործը, որի վրա էլ հիմնված է եղբայրական ժողովուրդների մերձեցման կամուրջը: Անկասկած, հենց դրանցից մեկն էլ աշխարհահռչակ կոմպոզիտոր Գիա Ղանչելին է:

Հոկտեմբերի 5-ին Թբիլիսիի Դիդուբեի պանթեոնում հողին հանձնվեց մեծանուն կոմպոզիտորի դին: Հուղարկավորությանը ներկա էին Վրաստանի գործադիր եւ օրենսդիր մարմինների ներկայացուցիչներ, մշակույթի գործիչներ, մտավորականներ: Հուղարկավորությանը մասնակցեցին նաեւ այլ երկրներից ժամանած պատվիրակություններ: Մասնակիցների թվում էին Հայաստանի կրթության, գիտության, մշակույթի եւ սպորտի առաջին փոխնախարար Արայիկ Խզմալյանը, Հայաստանի կոմպոզիտորների միության նախագահ Արամ Սաթյանը, կոմպոզիտորներ Լեւոն Չաուշյանը, Վաչե Սարաֆյանը: Այստեղ էր նաեւ Վրաստանում Հայաստանի արտակարգ եւ լիազոր դեսպան Ռուբեն Սադոյանը:

Թերթի նախորդ համարում զետեղված էր մահախոսական աշխարհահռչակ կոմպոզիտորի մահվան կապակցությամբ: Իսկ այս համարում ձեր ուշադրությանը ենք ներկայացնում հատվածներ «Նովոյե Վրեմյա» պարբերականի 2010 թվականի մայիսի 13-ի համարից մի հատված Մոսկվայում անցյալ տարի լույս տեսած՝

Վերջին տարիներին ապրելով Եվրոպայում Գիա Ղանչելին պահպանում էր ընկերական եւ ստեղծագործական հարաբերություններ ոչ միայն Վրաստանի, այլեւ Հայաստանի հետ: Նրա ստեղծագործությունները հաճախ էին կատարվում Հայաստանում, եւ ինքն էլ, հնարավորության դեպքում, հայտնվում էր Երեւանում: Կոմպոզիտորի կենսագրության մեջ «հայկական հետքն» ի հայտ է գալիս Մոսկվայում լույս տեսնող «Վրացական» շաբաթականի «Գիա Ղանչելին երկխոսություններում» գրքում: Դրանից մի քանի «հայկական» հատվածներ ներկայացնում են ընթերցողի ուշադ-

րությանը:

- Ես իրականում ոչ թե Ղանչելի եմ, այլ Ղանչավելի: Դա իմ պապն է այդպես կոչված: Եվ ստացվել է, որ հայրս կրում էր Ղանչելի, իսկ նրա հարազատ եղբայրը՝ Կանչավելի ազգանունը: Մեր գյուղում բոլորը Կանչավելիներ էին: Իմիջիայլոց, երկու ազգանվան արմատն էլ ձկնկուլն (վրացերեն՝ კახი) է: Սակայն, առաջին տառը ոչ թե սովորական «կ»-ն է, այլ կոկորդա՝ ինչ «կղ» (վրացերեն՝ კ) -յն:

Այս առիթով ցնցող պատմություն եմ ունեցել Սերգեյ Փարաջանովի հետ: Ազգային արմատներիս հանդեպ հետաքրք-

րությունը նրա մոտ առաջացրել էր իմ «Երաժշտություն ողջերի համար» օպերան լսելուց հետո, որին նա բառացիորեն սիրահարվել էր: Սերգեյն բաց չէր թողնում ոչ մի ներկայացում եւ ամեն անգամ իր հետ հյուրեր էր բերում: Երբ Մեծ թատրոնում պետք է կայանար ընչալ օպերան, նա ուղեւորվեց Մոսկվա: Այնուհետեւ՝ Երեւան:

Փարաջանովը ինձ հաճախ կրկնում էր, թե չի կարող պատահել, որ դու «մաքուր» վրացի լինես, երեւի հայկական արմատներ կունենաս: Ես կատակում էի ասելով՝ ամեն ինչ հնարավոր է: Իսկ Ռոբիկո Ստու-

րուան ասում էր, որ վրացահրեա եմ: Փարաջանովը գտնում էր, որ արվեստում մնալու ռիսկ բան ստեղծել կարող եմ կա՛մ հայերը, կա՛մ հրեաները, իսկ վրացիները կարող եմ միայն «քեֆչիներ լինել»:

- Որքանով հասկանում եմ Դուք նրանից չէիք մեղանում:

- Իհարկե, ո՛չ: Երանի տեսնեիք, թե ինչպես էր նա հայերի հետ վերաբերվում: Երբեք չեմ մոռանա մեր հանդիպումը Երեւանում, «Արմենիա» հյուրանոցի նախասրահում: Այն ժամանակ նա նկարահանում էր «Նռան գույներ» ֆիլմը:

(Շարունակությունը՝ 5-րդ էջում)